


**TRUTH
CENTERED
TRANSFORMATION**

MODULE

**AKILOCOKINET
ALOKIDING NGUNA
AKIRE**

ATUTUBET



**ACUMBI KA AKICA
EKITAABO A EKASYOMAN**

Akitatamet 1: Ngiemuto 3 ngulu euruwaka






Atukot 1 Alore ke epei nginapei edyakaninor idio, ebuni emuron kingitak ikes akiaj ajulot anguna ka ariamunia nguna kitiya ka ekito. Ngina aanyuniata ngikristo alokanisa nguna ka angaleu alotooma ngakitatameta nguna a TCT apotu ikes togeikis akisitiya ngakitatameta akitangaleo ngidekesio ngulu apetuna anguna kec ka ngikidunyet kec. Apotu ngitunga daadang alore toanyut ebe ngitunga daadang ngulu apotu totupakis ngakitatameta kec apedorito angaleun emam akiaj ajulot. Abu nai ere daadang kikatak akiretakin ka akitangalee ngidekesio daadang akilo akiaj ngajul. Apotu nu kisiricut ikes akisitiya ngisilinga ka inaki ikes angaleu! Etakani ebi akijaanakin Akuj itojokuni akiyar angikristayon, itojokuni akiyar anguluce dang!





Atukot 2 Alore ke epei, ngina eponiata ngitunga akilem amana, eitanitae ilope ka amana ayaun akimuj ngina alalan, ngisodae kori ngagwe lotunga daadang ngulu engarakinito. Nyacepakyo alala ebei ngolo angiboro alu akilo epoida ngolo eriamun alokinyom elemunio! Kelunyar akitatamo anguna angiticisio angulu ka amina, apotu ngikristayon ngulu ka atukot ana tocamunos ebe ingarakinete ikes akilem ngamanat angikulyaka emam akiitanit eropit. Apotu ngitunga toumokis alore eanyunete ebe nyingaranakin ngikristayon make nai ingaranakinete ngulucetunga dang ngulu nyerae ngulu ke ekanisa dang, apotu ngitunga nguluce alore toanyut nguna ido apotu tojongoto akingita akimuj ka ngimaten dang. Ecamit tokona nginitunganan alore daadang akitiya lomanikorin emam etacit. Eyaunete ikes ngamuja kec angilopeyek ka kitiyata kaapei. Nguna eyaunete nu, apedori ngolokal ariamun epoida. Aruwor tokona akilem apaki ngina iteoritor ere ngaren ka ajokis akilo arakau apaki ngina ka akiyalolong ka epedorete akidaritor ngikalya kec epoida angolo eriamun.

Atukot 3 Etiyae ere ngiticisio ngulu ka amina anginakolongit anakiyar kec adaadang. Etiyaete ikes ngiticicio ngulu ka amina angolosabit. Nguna akire aruwor tokona nu nguna itiyao anginakolongit anakiyar kec. Ngina eanyunia idio akiitanit, eesikinete ikes nguna itiyaete ido kikatakis akingarakin anationis angin. Ani keya ngatabab lorukude neni itorio, eweete ikes alemar. Arae ere kec epei angolo angoriana nooi, ngolo pa apoloe alowaitin anguluce. Nai tokona erae epei ngolo asekan nooi, ngolo idaritae eseg akilo. Apotu ikes anapaki angina euruwana todukokis ekanisa ngolo kitete alotooma ngiboro ngulu alemununuyete anakitiya ka agogong ka akingaranakin make! Etakini akilocokinet aneni angulu daadang itorete lore ngol, nait dang epedor aanyun alorotin angulu eyakatar ngilopeyek ngulu ke ere. Elakara nginitunganan nooi ka italakarito ngitunga ngulu ke ekanisa ngulu apotu tominakis ikes akilo anguna ka akitoodikinia ikes erot ngolo eyarere.







- Anu abu ekanisa kitiya aloemut alo?
- Anukilocokinet apotu totakanu anatukot?
- Alipite aponiata ngitunga ngulu ke ere toyakaunotor?
- Nyaanu ngatameta nguna apotu ikes toyakaunotor anguna ke ekanisa?
- Alipite epedorere iwon aruwor ikwa ekanisa?




Akitatamet 3: Ngadoketa nguna ilounere Asecit

NGADOKETA	ETORUBE	NGINGAETA
REMOVE SIN		
1. Aripikin Asecit		Ngikirukisio 139: 23–24 “Toripiripae ayong. Okoe Akuj ido toyenu nguna eya lotau kang. Kikatakinae ayong, ido toyenu ngatameta kang. Toanyu erae keyai aronis eyai neni kang, ido torikorpe ayong ewuap ngipitesio ngulu a akiyar angina angikaru ka ngikaru.”
2. Alimor ka akisionikinio		I Yoana 1:9 “Ani kikilimo iwon ngasecisia yok, isyoni Akuj ngasecisia yok, ikitesegu iwon alopitesio yok angulu aronok a DAADANG.”
3. Tokii ka inakin		Job 31:1 “Adau ayong akikong atemar nyengolikini idiobore okonira kori apese ngina nyiriamakina ke ekile.”
AKITETEUN NGATAMETA YOK		
4. Kilipi anginakolong it		Ngiromanin 7:19–20 “Anerae nyetiyaе ayong nguna ajokak – nguna acamit akitiya. Ani ketiya ayong nguna nyacamit akitiya nyerae ayong kire etiyaenene nguna aronok, nai erae asecit ngina eyai tooma kang.” Mateo 26:41 “Tokyenyete ikotere yilomasi nakitemyet.”
5. Akibwaibwa ngatameta yok		Ngiromanin 12:2 “Nyrubakis itiyaete nguna itiyaete ngitunga ngulu ka akwap anan, nai tocamakisi Akuj ikiinak iyes ngatameta nguna kitete ikotere nai iyes iyenunete acamit ngina ka Akuj ayenut ibore ngini ejok ka ngini italakarit Inges ka ngini iyookino.” Ngikolosae 3:2 “Totamunito ka kiitanito nguna eyakasi nakuj ama, mere nguna eyakasi kwap ne” nguna emaikina yaut ekipuri– ngakiro nguna erae nguna akire, nguna ekerer, nguna iyookino, nguna emam aronis, nguna ka amina ka nguna itojokitae – totamete ikotere ngiboro ngulu.”










<p>6. Kinyagonok ka akau nguna igirir LoBaibul</p>		<p>2 Ngikorinto 10:5 <i>"Inyasunio isua ngipegeta ngulu nyiyookino ka nginibore eturon daadang ngini epedori akiretakin ayenut Akuj, ikikatakinit isua akikamun ngatameta daadang etacamutu akipup Kristo."</i></p> <p>Ngipilipian 4:8 <i>"Angetakini ngikoitotoi ka ngakaitotoi totamete ngakiro nu nguna ajokak</i></p> <p>Ngikirukisio 119:11 <i>"Ericit ayong nooi akirot Kon alotau kang, ikotere ayong ngasec aneni Kon,"</i></p>
<p>KILUNYOK AJOKIS NARONIS</p>		
<p>7. Toem anakitemieta</p>		<p>Yakobo 4:7 <i>"Angun, inakinos neni ka Akuj kitepega Satan eemi inges aneni kus."</i></p> <p>Ngikorinito 10:13 <i>"Emam akitemiet ngina iryamut iyes ngina nyitemitere ngitunga nguluce. Nai erae Akuj ngina itiyae nguna adau akiikin ka nyecamakini Inges iyes ikitemio tari adepar agogong kus. Apaki ngina ikitemere iyes, ikiinakini Akuj iyes erot ngolo ibucarotor, ido topedosi atitinyikin."</i></p>
<p>8. Kiteteu ngipitesio ngulu kitete</p>		<p>Ngikolosae 3:1–16 <i>"...ikwapei idauniata alemar ekuwane ngolo ngorot kaapei ka ngiticisyo keng ka iryamut ekuwane ngolo kitete ngol inges erubakinit Akuj iteteununui kikwanikinos ka Inges ikotere toyenuniata iyes Inges ejok."</i></p>
<p>9. Akisileereunit ekisitiyae angipitesio kon</p>		<p>Ekalimonokinan 4:9–10 <i>" Ejok arakau ngiarei akilo arakau ipei anerae eryamunete ikes eropit ngolo alalan anguna ke etic angolo apotu ikes tongirikis akingarungarun, ani kibusokin ikes ipei, ingarakini nginice nginice. Nai eking iyong ngini irae iyong bon, ngini ani kibusokin, todaun ngini ikingarakini"</i></p>

Akitatamet 5: Akiloun Asecit

NGADOKETA	ETORUBE	ASECIT
TOLEMA ASECIT		
1. Aripikin Asecit		Akingurungura
2. Alimor ka akisionikinio		Alimori ayong ebe engurungura anguna etiyaa ka agongong, okoe kisyooni angina engurungurar ayong.
3. Akiki		Nyacamit ayong etau ngolo ingurungura. Akilo akingurungura, acamit akirworu nguna ikitalakarete nguna ikiyakar ayong.
AKITETEUN NGATAMETA YOK		
4. Kilipi anginakolongit		Eitanit ayong nakwarina akingarakinet ngina nyengurungurar. Okoe kingarakinae ayong arae ngini alakara ka arae ngini etiyae ka alelyanu.
5. Akibwaibwa ngatameta yok		Ngina engurungurar ayong, atami ayong anguna kang. Akilo acamit ayong akitam anguna ke etic angolo eyai kingaren kang ka alipite epedoror akitiyaa eturuunio Akuj. Acamit ayong akitam anguna Keng akilo anguna kang
6. Kinyagonok ka akau nguna igrir LoBaibul		Ngiepeso 4:29 ebalá: 'Nyicamak erworí ngolo nyiyookino elomuni anakituk kon, nai nguna ikingarakinete anguna ka adukunio nguluce alopíte angolo iitanitotor ikotere ingarakini ngulu epupete.'

KILUNYOK AJOKIS NARONIS		
7. Toem anakitemieta		Engurungura ayong anginapaki ikiyakaunor ka _____. Eitanit ayong acepaki aesikin arukit ka inges kori alimokin inges ebe nyacamit ayong akingurungura nabo.
8. Kiteteu ngipitesio ngulu kitete		Ngina eketemere ayong akingurungurakin. Atamuni ayong anguna angiboro anguini angulu abu ayong olakaror anguna kec. Etalakari ayong Akuj ikotere Inges epedori akisitiya eyakae ainakinia Inges akituruun.
9. Akisileereunit ekisitiyae angipitesio kon		Alimokini ayong nguna ka acamit kang anakiloun akingurungura. Engisi ayong toyeni atemar arae ayong a nguna Keng ka ani kekengit ayong anguna anu, nyekatakini ayong akiwua akaasecit kori akitusubun ngini ajok. Ewaruni ayong dang akingarakino aneni_akilounia asecit erae kakacamaki inges ayong akiruk ka inges ka ayenun nguna kang.

Asecit ngina epetuna: _____

NGADOKETA	ETORUBE	ASECIT
TOLEMA ASECIT		
1. Aripikin Asecit		
2. Alimor ka akisionikinio		
3. Akiki		
AKITETEUN NGATAMETA YOK		
4. kilipi anginakolongit		
5. Akibwaibwa ngatameta yok		
6. Kinyagonok ka akau nguna igrir LoBaibul		
KILUNYOK AJOKIS NARONIS		
7. Toem anakitemieta		
8. Kiteteu ngipitesio ngulu kitete		
9. Akisileereunit ekisitiyae angipitesio kon		

Akitatamet 7 & 8: Ayeunet yok ngina angiticisio ka amina

1. **Akiryamakin anginapaki** – Ikwa ekanisa iitana iyes kiriamanakin anginapaki anguna ka aripikinit nguna angiticisio ka amina ikotere nyimuriak ngitunga ka nyitumorosi anguna ka atingiyar aloticisio ido kimuriak nguna.
2. **Akilip kaapei** – Erae anapedor ka Akuj bon ka anaosou inges ikipedoria iwon akilocokin ngatuketa yok. Erae etic ngolo nyepedor emam Inges, nai kaapei ka Inges ikipedori kire akitiya nguna egelaaka, nyitemokino ikimuriak iwon apolou ngina ka akilip, nyitemokino omodikin iwon anatameta yok make ebe ikipedori akitiya emam Inges.
3. **Toriputu nguna iitana ido kilipa** – Emaikina nginitunganan ebuni nakiryamiryam totenite alimun nguna eyanyunito ikes anakiitaneta aneni eyakasi ikes. Ani iripikini iyong akolongit kon, emaikina iyong toripu ngiboro ngulu iitana tosubakinae ka ngitunga ngulu iitanito akingarakino. Anakiriamiriam tomorutu nguna iitanitae ka nguna emaikina kitiyae. Kilipa kaapei ikotere Akuj ikitoodikini iyes nguna emaikina kitiyae ka ikingarak iyes toyeut nguna einakinete Inges akituruun.
4. **Kilipa ka kitiyakis nguna iyeut** – (toburosi ayeunet angiticisio anakitatamet a 1 kitemokino)
5. **Kilipa ido kitiata** – Toyeutu akolongit ke esaa, ngiboro ngulu itiyaere ka ngitunga ngulu iitana, ka ngulucebora.
6. **Toripikisi epite Alosio etic ka kilipa akitalakaria Akuj** – Taripikisi nguna ayakaun ka inakis ekipur neni ka Akuj anguna ikingarakinia iyes akirikakin etic.

Akitatamet 9: Ngirotin ngikanikaarei ngulu kisimukekinet akijaanakino

1. Kitatam apolou a akijaanakin
2. Kiwuak neni epedoriata arokunuo
3. Kingitak ngitunga tolomut lotic
4. Kiteyenu ka kitalaka ngitunga
5. Kitogogongiyo nguna ka apolou
6. Kitiyata kaapei
7. Kituruwosi ngina ka alelyanu

- Ikatakinit iyong edio alorotin alu a? Anu apotu kitiyakin? Anu nyepona kitiyakin?
- Nyaanu ngakigireta ke Ebaibul ngadi nguna ikilosu iwon akisitiya akitatatamia anguna ka apolou angina ka akijaanakin?
- Nyaalu ngirotin ngidi ngulu isitiyae iyong anguna ka akiteyenunia ka akitalakaria ngitunga? Nyaanu ngatameta ngace nguna ipedori iyong akikatakin?
- Alipite ipedoria iyong akiwuakinia alelyanu ngina alalan? Nyaalu ngirotin ngulu ipedoria iyong akitoboboo alelyanu?

Akitatamet 9: Ekanisa ngolo ijaanakini

Abu ePasitait Yakobo toyakaun iwadio ebi ketakunu akilounet. Ayeni inges atemar eitanit ngitunga ngulu ijaanakinete alokanisa, nai pa ayeni inges epite edio? Abu ekone inaki inges enamba ngolo ka asimu a ePasitait Moses ka tolimok inges ebe tonyara ePasitait Moses ka ani kelunyar ekiyan ngolo auruwana aponi tolimokinae inges ebe eitanit inges adukun eyakaune ngolo ka akijaanakin alokanisa keng. Abu ePasitait Yakobo tolim ebe emamukatar inges ngaditameta nguna ka ayenut ebe nyo eyakae ka akijaanakin *'Nyikuriana,'* tobongok ePasitait Moses, *'Ayong dang pa ayeni tari ngina alunyarator ngikaru ngidi ngulu alunyar. Bua apeikolongit nakijaanakin kosi ido eketoodikini ayong iyong nguna abala ayong.'*

Abu ePasitait Moses Kisiriam ePasitait Yakobo alopuke ke ekanisa. Abu etau keng kilajaar ka tolakar eanyuni ebe etakani ePasitait Moses ecamit akitalakar inges akilo akitoodikin ekanisa keng ngolo apolon.

Ani irimorete ikes alotooma ekanisa abu ePastait Yakobo kingolek akaritas ngina apolon. Egiritae ebe *'Toyakaunos nakolongit ngina ka akijaanakin.'* Kwap akigiret eyai engaet *'...ka ikwa iyes ngikaitotoi ka ngakaitotoi, nyikiwuup akitiya nguna ajokak. – 2 Ngitesalonikae 3:13.'* Alokwap nu, ewuakinatae angololap ngakigireta ngarwa 3 alodiyete keng. Elain ngolo ke ekingaren arae enamba ngolo angiticisio ka amina, ngina aponi kitiyae elap ngolo ke epei. Elain ngolo angiarei ngolo angitunga angulu aponi kingarakinae ka elain ngolo ke enamba angolo anguini ngolo ke enamba angitunga angulu apotu inakinos anakingarakin.

'Nyo en?' Kingit ePasitait Yakobo.

'Ikiyakar isua akolongit apei angololap anguna ka akijaanakinia,' Abu epastiat Moses kisileerek. *'Alorwa angulu ikatakinitae isua ariamun ngitunga ngulu alalak ngulu epedorete alomar nakijaanakin alorot ke edio angolo epedor. Anyaraenene ayong ngitunga akimakin eseei anapaki angina alimonokinia ayong ka anyaraun unuyete ngitunga ngulu ngulu eya lokanisa ngulu alorwa kec angulu iryamanakinotor ikes iyaanete. Ijaanakinete ngidi alokanisa anakingaranakin alomanikor ka akiwos erangi nakais. Ijaanakinete ngulu anatukot anasubananakin akai kori akilot ayakaun nakolongit ngina itolosere ngabolyasia nguna angidwe. Eyakare isua ngakaritasia nguna alalak alokanisa nguna itatamunito ngitunga anguna angirwa alu ka isingarakinito ikes aanyun ebe ngiyai ngitunga ijaanakinete ka ngulu nabo ikiitanit iwon tolomut. Igirio isua angololap ngiyai ngiticisio ngulu ka amina ngulu apedoritae iwon akitiya, ngiyai ngitunga apni kingarakinae, ngiyai ngitunga apotu kitiyata. Ikatakinitae isua angololap akiyat ekimar angitunga angulu elomunete akitiya ka ainakina.'*

Angina aanyunia e Pasitait Yakobo nguna aya lowaitin ke ekanisa, abu inges toanyu atemar erae kire—aya ngakaritasia nguna agelegelya narwatata nguna aya ngingaeta. Alokau arwatata ayakasi ngipicae ngulu angiticisio ka nguna apotu alotooma ngakijaanakineta nguna alalak kitiyata nguna apotu kitiyakin alorwa angulu alunyar. Aya ngipicae angitunga angulu apotu toyakaunos loticisio ngulu alalak ngulu etiyaete ngiboro ngulu egelegelya, akiduk ngakais, asubananakin ngirukudei,

akiteseg ekanisa ka akitatam ngidwe. Alokidiama ngipicae ayai akigiret ngina abala ebe “Oduko ebuku ngolo ka Akuj kaapei’.

Abu ePasitait Yakobo toriam akibois eringa e Pasitiat Moses esubanakan anguna ka ageun akijaanakin. Abu ePasitait Yakobo toanyu ngitunga ngulu akoneoko imalaete ngitunganan alopuke ka ngaberu ingarakinete ngimudukanotin ka ngimojong anguna ka ariamunia akibois ka akorakin ikes ngikopoi ke ecai. Abu inges toyakaun ijaunitae alokanisa alo ka toumok erae kepedori inges akitiya idiobore ngini ikoni ngin alokanisa keng.

Ani egeunio akijaanakin apotu ngisorok togeikis edonga ka toekis ngitunga ngieten. Kedaun apaki ngina ka akijaanakin abu ePasitait Moses tonyara ngitunga ngaren tomora nguna apotu totakanut anakiyar kec. Abu aberu ngina amojongit bu ngaren ka tomora ebe, Abu ayong ocaka lokile kang ka etee tokona itatait kang elope. Amunaara akai kang ka aoe nooi ka etiyae lotatait kang erono alosukul atipei abu inges tomaisianit ka agogong. Abu tokona ekanisa ekengarak ayong anakiteteun akai kang ebibiru. Apotu ngisorok ngidi tonyarata lotatait kang aruwor epei a lotic angolo ka akitatam ikotere nyibusokinor alosukul. Alakara ayong nooi epite ngolo abunio ekanisa ekeuriaria ayong. Eketalakarit iyes daadang! Apotu ngitunga daadang kijaluwor anguna ka alimunet keng. Abu epasitait Moses tobongo ngaren ekanisa ido kingitak ngitunga ngulu apotu todukokis akai ka ngulu apotu kitatama tonyout. Ani enyounete ikes abu ekanisa daadang kitalakasi ikes ikeunito ngitoilon kec nooi. Apotu ikes kitoodiut alakara ka kiboikinos kwap atipei, abu ePastait Moses tolim akilip atipei anguna angaberu ka atukot ngina ejaanakinan itatalakarit Akuj anguna ka ainakina kec, akingarakin, akitalakar Akuj akisitiya ikes akingit Akuj torubak ingarakinit ekanisa ayaun neni keng akituruun aloticisio kec anakijaanakin. Abu ePasitait Moses angun kitatam ekanisa ebe ebunit akolongit ngina ka akijaanakin alotooma ngisabito ngiarei bon ngulu eponito. Abu inges tolimok ikes ebe iitanito ikes akuwuan daadang itiyaeta kaapei, erae kecamito ikes akiduk ebuku ngolo ka Akuj. Abu inges kitatam ikes ebe emam enerit erae ekonginait anakuwan aitunganan, ani keya nginerin ngulu nyitiyaete, angun, nyitiyae akuwan daadang alopote angolo epedoritor. Abu nai inges kingitak daadang ngulu apotu kiimakis eseei aanyun ebe ingitakinete ikes idio torucokin ka ikes anakolongit angina ka akijaanakin.

Alopote angolo abunio akijaanakin tolot ngaren, abu ePastiat Yakobo kitojok daadang nguna abu inges kingolik ka kiira. Arae nguna ka aumokin alotunga angulu alalak alokanisa alo alomaritotor loticisio ngulu ka amina anginapaki a? Abu inges anadaunet toyenu nguna abala ePastait Moses ngina abakar inges ebe emaikina iyong todukok ayakau ngina ka akijaanakin.

- Alipite itoodiunitere ngirotin ngulukanikaarei aloemut alo?
- Nyaanu ngatameta ngace nguna ipedori iyong akisisaun nguna acepaki epedorete akitiya ejok alokanisae kus?